

亥23

18-643

六科準繩



雜證門下

金壇王肯堂輯

瘦樵程永培校

痰飲

〔大〕婦人風痰者由臟腑風冷水飲停積在於胸膈所成也人皆有痰少者不能為妨多者成患但胸膈有痰飲停

於胸中則令眼昏亦令頭眩頭痛者 藥隱老人評曰夫痰之為害多因外感五邪五邪者寒暑燥淫風也內傷七氣七氣者喜怒憂思驚恐因五邪而得者得風為風痰得寒為寒痰得暑為暑痰因七氣所傷多因婦人情性執者不能容忍而有此

證豈特祇因風冷而成哉所以外感五邪七傷七氣則一身之中血液痰汗涕唾身中溼者敗濁變而成痰乘間而

為害也經云清則運為精華濁則凝為痰飲此之謂也然有痰涎飲沫四種相類宜子細詳辨調治因風而生痰者

宜服三生飲辛中暴厥星香飲雜病青州白丸子中風化痰丸雜病因寒冷而得者宜服降氣湯雜病黑錫丹雜病養正

丹頭目眩暈因熱而得者宜服金沸草散雜病柴胡半夏湯本條因暑而得者消暑丸雜病因氣滯不調鬱結而成者宜

服參蘇飲雜病四七湯氣二陳湯雜病痰在上者以瓜蒂散吐之在下者以控涎丹痛利之雖曰可吐可下亦要

觀人之盛衰察脈之虛實方可投之切記不可猛吐暴下所以初虞世有金虎碧霞之戒也

〔薛〕前證若肝經甚怒用小柴胡湯傷寒經風熱用鈎藤散頭目眩暈肝腎氣虛用川芎散量脾經鬱結用濟生歸脾湯健忘鬱怒傷肝脾

用加味逍遙散少陽脾虛痰逆用白朮半夏天麻湯雜病脾氣虛弱用六君子益氣湯肺氣鬱滯用二陳雜病貝母桔

梗陰虧水泛用六味地黃丸虛勞腎虛陰火加減八味丸虛勞腎經甚虛火不歸源八味丸虛勞仍與前證互相

用之 一婦人內熱口乾勞則頭暈吐痰帶下或用化痰理氣藥前證益盛肢體或麻又用祛風化痰藥肢體常

麻手足或冷或熱此脾土不能生肺金也余用補中益氣湯加茯苓半夏炮薑二十餘劑漸愈又用加味逍遙散三

六斗進電

女科

女科

十餘劑全愈後因怒吐胸痞或用清氣化痰丸食少痰甚胸膈脹滿脈或浮大或微細余以六君倍用參朮少加木香而康 一婦人咳嗽脇痛或用清肺化痰降火等劑久不愈更加內熱肺熱若兩脇或小腹內熱其咳益甚小便自遺余曰此屬肝經血虛火動用六味丸加五味子滋腎水以生汗血用補中益氣生脾土以滋肺金後尋愈旋覆花湯 治婦人風痰嘔逆不下飲食頭目昏悶

旋覆花

枇杷葉去毛

川芎

細辛去苗

藿香

桂心

枳殼去瓢

前胡去蘆

人參去蘆

半夏薑製各半兩

甘草炙

羚羊角屑

赤茯苓各七錢半去皮

羌活去蘆半兩

右咬咀每服五錢水

一盞半生薑五片煎至一大盞去滓溫服食遠日進二服

天南星丸 治婦人風痰心膈壅滯

天南星薑製

白附子炮

皂角仁炒黃

半夏麴各一兩

白礬枯五錢

右為細末酒煮麵糊丸如梧子大

每服二十九煎生薑薄荷湯送下食後臨卧日進二服

大半夏湯 治痰飲脾胃不和咳嗽嘔吐飲食不入

半夏

白茯苓

生薑各二錢

右薑水煎服胃痞加陳皮四錢湯

導痰湯 治痰涎壅胸膈痞塞或咳嗽惡心飲食少思

半夏二錢

南星

枳實炒

茯苓

橘紅一錢

甘草五分

右用薑十片水煎服

瓜蒂散 療病痰胸膈痞塞頭不痛項不強寸脈微浮胸中痞鞭氣衝咽喉不得息者此為胸中有痰也當吐之宜

此法

柴胡半夏湯

治痰熱頭痛利膈除煩悶手足煩熱榮衛不調肢節拘攣身體疼痛嗜卧少力飲食無味兼治五嗽

痰癖

柴胡八錢

半夏三兩

人參去蘆

甘草

黃苓

麥門冬各二兩

白朮二兩

右咬咀每服五

錢水一盞半薑五片棗一枚煎至八分去滓服

咳嗽

〔大〕婦人咳嗽者由肌體虛外受於寒熱風溼所得也肺為四臟之華蓋內統諸臟之氣外合於皮毛若為寒熱風溼所傷邪氣自皮毛而入於肺中外皆傷故令咳也大抵治咳不可一槩治當以脈息辨之其脈浮而弦者起於風濡而弱者起於溼洪而數者起於熱遲而澀者起於寒風者散之溼者燥之熱者涼之寒者溫之虛者補之未有不安者也

〔薛〕

丹溪云春是木氣上升夏是火氣炎上秋是溼熱傷肺冬是風寒外來當發散行痰開腠理用二陳

湯加麻黃桔梗杏仁痰飲隨證加藥勞嗽宜四物加竹瀝薑汁乾咳難治此證乃痰鬱火邪也用苦梗開之夏用

補陰降火不已則成勞上半日多嗽者胃火也用貝母石膏午後嗽者陰虛也用四物加炒黑黃蘗知母黃昏嗽者

火氣浮於肺也用五味子五倍子五更嗽者飲食之火流於肺也以貝母軟石膏肺脹而嗽或左或右不得眠此痰

挾痰血氣滯而病宜養血疎肝清痰用四物加桃仁訶子青皮竹瀝之類嗽而脇下痛宜疎肝氣以青皮挾痰實者

白芥子之類血凝氣作嗽者桃仁大黃薑汁丸服治嗽多用生薑以其辛散故也痰因火動逆上作嗽者先治火次

治痰以知母止嗽清肺滋陰降火夜嗽用清陰分之劑若嗽多用粟殼不必疑但要去病根此乃收後藥也竊謂前

證午前嗽屬胃火盛用竹葉石膏湯後病陽寒症胃氣虛用補中益氣雜病傷勞倦加炒山梔午後嗽屬陰血虛用四物黃蘗

知母二味酒拌炒黑腎水虛用六味地黃丸雜病虛勞黃昏嗽用四物五味麥門并前丸五更嗽用六君子雜病虛勞不得眠及兩脇

下痛用六味地黃補中益氣若因氣虛腰理不密六淫所浸當祛外邪而實脾土若因心火太過當伐肝木而滋肺

金若肺金氣虛當補脾土而生肺氣若因腎水虧損虛火炎上當補肺腎以滋化源大抵風邪胃火此實熱為患易

治惟肺腎虧損此真臟為患最難調治

一婦人素勤苦冬初咳嗽發熱吐血盜汗通身作痛或寒熱往來用化痰

降火之藥口噤筋攣此血本虛而藥復損之耳余用八味丸雜病虛勞為主佐以補中益氣麥門五味山藥年餘而愈

一婦人咳嗽發熱嘔吐痰涎日夜約五六碗喘咳胸痞燥渴不食崩血如涌此脾土虛寒用八味丸及附子理中湯

雜病中寒而愈 一婦人不得於姑患嗽胸膈不利飲食無味此脾肺俱傷痰鬱於中也先用歸脾湯雜病健忘如山梔撫弓

貝母桔梗諸證漸愈後以六君加芎歸桔梗間服全愈 一婦人咳嗽早間吐痰甚多夜間喘急不寐余謂早間多

痰乃脾虛飲食所化夜間喘急乃肺虛陰火上衝用補中益氣加麥門五味而愈 一婦人患咳嗽脇痛發熱日晡

益甚余曰此肝脾虛熱而傷肺也用加味道遙散經調加熟地黃治之而愈後因怒氣勞役前證仍作兼太陽痛或寒

熱往來或咳嗽遺尿此肺氣虛而尿脬失制也仍用前散及地黃丸而瘥 一婦人久咳嗽面色痿黃或時晄白肢

體倦怠飲食少思稍多則瀉此脾土虛而不能生肺金朝用補中益氣湯夕用六君子湯為主間佐以八珍湯雜病虛勞

三月餘漸愈後感寒邪喘嗽胸腹作脹飲食不入四肢逆冷此中氣尚虛不能充皮毛肥腠理司開闔之所致也遂

用六君加生薑桔梗而愈

初虞世曰經曰微寒為嗽寒甚為腸癖古人立方治嗽未有不本於溫藥如乾薑桂心細辛之屬以寒氣入裏非辛甘

不能發散以此準之未有不因寒而嗽也又曰熱在上焦因欬為肺痿又實則為肺癰虛則為肺痿此人其始或血

不足或酒色滋味太過或因服利藥重亡津液燥氣內焚肺金受邪脈數發熱咳嗽膿血病至於此亦已危矣古人

立方亦用溫藥如建中之屬今人但見寒熱咳嗽率用柴胡鱉甲門冬葶藶等藥旋踵受弊而不知非可為深戒就

使不可進以溫藥亦須妙以湯丸委曲調治無為國莽致傷人命 [詳]丹溪云陰分嗽者多屬陰虛肺脹不得眠

者難治痿肺專主補氣養血清金肺氣有餘者宜瀉之以桑白皮為三半夏茯苓佐之瀉其有餘補其不足肺燥者

當潤之屬熱者大力子桔梗知母雞子清聲啞者屬寒也細辛半夏生薑肺虛者人參阿膠為主陰不足者六味地

黃為要藥或知母茯苓湯 陰虛氣喘四物加陳皮甘草以降其氣補其陰竊謂前證嗽而鼻塞聲重風邪傷肺也

用參蘇飲

雜病發熱

面赤喘嗽火灼肺也人參平肺散

雜病

寒熱交作肝氣不和也四君加知母柴胡桔梗咳嗽短氣肺

虛也人參補肺湯

喘滿體倦

少食脾虛也參朮補脾湯

條口乾咽燥

虛火上炎也六味丸大凡發熱喘嗽或咳唾膿血

飲食不入急補脾肺滋腎水多有得生者脈浮大而面色赤者皆難治脈浮短濇者可療

經曰感於寒微則為咳甚則為泄蓋肺主氣合於皮毛邪傷皮毛則咳為肺病傳於各臟以時受邪肺為嫩臟邪易傷而難治其嗽有肺心脾腎肝風寒支飲膽之十種亦有勞嗽者華陀謂之邪嗽孫真人謂之注嗽此因酒色過度勞傷肺經重者咯唾膿血輕者時發時瘥或先嘔血而後嗽或先咳嗽而吐血此又挾邪傳症孫真人用通氣丸夢與鬼交用四滿丸蛤蚧以及桃柳枝安息香之類若肺中有蟲入喉痒嗽須以藥含化其蟲即死而嗽亦止薛仲景先生云咳而兩脇痛不能轉側兩脇滿屬於肝臟用小柴胡湯咳而嘔苦水屬膽腑黃芩半夏生薑湯咳而痰中如梗狀甚則咽腫喉閉屬心臟桔梗湯咳而大便秘氣屬小腸腑芍藥甘草湯咳而右脇痛陰引肩背甚則不可動動則咳劇屬脾臟升麻湯咳而嘔嘔甚則出長蟲屬胃腑烏梅丸咳而喘息有聲甚則唾血屬肺臟升麻湯咳而失尿屬大腸腑麻黃附子細辛湯咳而遺尿屬膀胱茯苓半夏湯咳而不止三焦受之其狀腹滿不食涕唾面目浮腫氣逆異功散用之對證其效如神一婦人患前證晡熱內熱寒熱往來作渴盜汗小便頻數其經兩三月一行此肝脾氣血虛損用八珍湯六味丸六十餘劑諸證漸愈其經兩月一行仍用前二藥間以加味道遙散各三十餘劑後恚怒遠經行去血過多諸證悉至飲食少思腹脹氣促用十全大補湯數劑漸愈仍用前藥調補漸安復因喪子胸腹不利食少內熱盜汗便血無寐用加味歸脾湯仍兼前藥而愈一婦人患前證不時發熱或時寒熱或用清熱之劑其熱益甚盜汗口乾兩足如炙遍身皆熱昏憤如醉良久熱止方甦或晡熱至旦方止此陰血虛而陽氣弱也余朝用六味丸料夕用十全大補湯月餘諸症稍愈更兼以補中益氣湯兩月餘而愈黃耆散治虛中有熱咳嗽膿血口苦咽乾

黃耆 四兩

甘草 二兩

右為細末湯點一二錢服日三服

一方甘草一兩黃耆六兩名黃耆六一湯只咬

咀水煎服

蛤蚧丸

治婦人咳嗽不止漸成勞氣

蛤蚧

酥炙一對

紫苑

款冬花

蟹甲 炙

貝母 心去

皂角子仁

炒各一兩

杏仁

炒去皮尖

一兩半

右為

細末煉蜜丸如梧桐子大每服二十九淡薑湯吞下

含化丹

昔有婦人患肺熱久嗽身如炙肌瘦將成肺勞服此安

寇宗奭方

枇杷葉

去毛

桑白皮

款冬花

木通

紫苑

杏仁 各等

大黃 減半

右為細末煉蜜

丸如櫻桃大食後夜卧含化一丸

貝母湯

治諸嗽久不瘥

貝母

生薑汁浸半日

北五味子

黃芩

乾薑 熟者減半

陳皮 各一

半夏

桑白皮

桂心

北柴胡 各半兩熱木香

甘草 各二錢半

右為粗末每服五錢水一盞半杏仁七枚去皮尖碎之生薑二片

煎七分去滓熱服

黃師文云成申冬有姓蔣者其妻積年嗽製此方授之一投而瘥以此治諸嗽皆愈

定喘湯 治丈夫婦女遠年近日肺氣咳嗽上氣喘急喉中涎聲胸滿氣逆坐卧不安飲食不下及治肺感寒邪咳

嗽聲重語音不出鼻塞頭昏並皆治之

半夏 麵炒

阿膠 炒

甘草 各錢半

鶯粟殼 製半兩

北五味子

桑白皮

麻黃 去節

人參 各二錢半

右咬咀每服三大錢薑三片烏梅半個水一盞半煎至七分去滓漸漸溫服食後臨卧日二服 方同和劑分兩加減不同有後

補肺湯

治證同前 滄州李官人宅又名清金湯

鶯粟殼製二兩

人參

粉草各半兩

陳皮

茯苓

杏仁製

白朮

明阿膠炒

北五味子

桑白皮

薏苡仁

紫蘇莖各一兩

右咬咀為末每服三大錢水盪半薑三片棗二枚為

梅半個煎至一盞臨卧溫服

更加百合貝母以半夏麴欵冬花各一兩一服之良驗

金不換散 治男子女人肺胃虛寒久嗽不已喘促滿悶咳嗽涎盛腹脇脹滿腰背倦痛或虛勞冷嗽唾紅痰及遠

年近日一切喘嗽諸藥不效者並治之

鶯粟殼製二兩

杏仁製

甘草各三錢

枳殼四錢

右咬咀每服三錢水一盞半薑三片烏梅半個煎至八

分食後臨卧漸漸熱服

許元林先生方乙卯年七月僕嘗治一婦人咳嗽不已服諸藥無效漸成勞瘵求予診之六脈濡弱以愚致之此是血弱又因憂感太過而成斯疾合用當歸等藥治之必愈遂先用古今錄驗橘皮湯空心服蘇子降氣湯後用金釵煎熟地黃丸當歸丸調理得安 又治一婦人時行感熱咳嗽遂用小柴胡湯去人參薑棗只加北五味子煎服愈

古今錄驗橘皮湯 療春冬傷寒秋夏冷溼咳嗽喉中作聲上氣不得下頭痛諸證

陳橘皮

紫苑

麻黃去根

杏仁製

當歸

桂心

甘草

黃苓各等

右咬

咀每服五錢水盪半煎至一盞去滓熱服

深師四滿丸 治上氣嗽飲嗽燥嗽冷嗽邪嗽謂之五嗽

乾薑炮

桂心

躑躅花

芎藭

紫苑各二兩

芫花根皮五錢

蜈蚣一條去頭足炙

細辛

甘草炙

鬼督郵

人參

半夏湯洗各一兩

右為末煉蜜丸大豆許每服五丸米飲下日三服未應

加至七八丸

團魚丸 治骨蒸勞嗽累效

貝母 前胡 知母 杏仁 柴胡各等 生團魚二個 右藥與魚同煮熟取肉連汁

食之將藥焙乾為末用骨更煮汁一盞和藥丸梧子大每服二十九煎黃耆六一湯空心送下病既安仍服黃耆

六一湯調理

參朮調中湯 瀉熱補氣止嗽定喘和脾胃進飲食

黃耆四分 桑白皮五分 人參 炙甘草 青皮 白茯苓各三 五味子并五

白朮三分 地骨皮 麥門冬 陳皮各五 右水煎服

噲化丸方自製 清肺止嗽定喘化痰

薄荷葉四兩 桑白皮 天門冬去心 麥門冬去心 知母去皮 百部 貝母去心

柿霜各二 枇杷葉去毛 訶子肉 阿膠 橘紅 紫苑 欵冬花各一兩半

括婁仁去油 括婁皮各一 黃芩 杏仁炒去皮尖 白茯苓 元明粉 鉛白霜

桔梗各一 旋覆花 馬兜鈴 五味子各七錢半 硼砂五分 冰片者勿用 右為極細末

梨膏為丸如無梨膏則以白蜜并滌梨汁熬至滴水不散為度丸如龍眼大噲化一丸

參耆補脾湯 治肺證因脾氣虛弱咳嗽痰涎中滿不食兼服此藥以補脾土生肺金

人參 白朮各二錢半 黃芩錢半 茯苓 當歸 陳皮各一錢 升麻三分 五味子并四分

炙甘草五分 右薑水煎服

喘滿

岐伯曰夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心度水跌仆喘出



於腎與骨當是之時勇者氣行則已怯者則著而為病也原疾之由皆本於肺與氣然感外邪則有太陽證脈浮無

汗血喘者宜麻黃湯陽明病汗出不惡寒腹滿而喘有潮熱者宜承氣湯若表邪未解誤服下利藥利遂不止脈促

喘而汗出者宜葛根黃芩連湯若微喘者桂枝厚朴杏子湯汗出而喘若無大熱者宜麻黃杏子甘草石膏湯若

表邪未解心下停水發熱而喘或嘔者小青龍湯去麻黃加杏仁主之若陰證喘促者四肢逆冷脈急沉細或寸大

尺小或六脈促疾或心下脹滿結鞭若冷汗自出或大便秘數上氣喘促或咽喉不利者此是本氣極虛內外挾寒

冷所致使陰寒內消陽氣得復而愈宜返陰丹主之以上諸方並見傷寒準繩大槩諸臟相乘而喘者用杏子散本如感寒伏熱

而喘者用華蓋散雜病九寶湯雜病若暴寒合火覆衣被過當傷熱肺膏而喘促者其狀多有熱證用洗心散雜病

冷水調服若因氣宇不調疾盛喘促者宜四七湯雜病兼官局桔梗湯雜病薑煎服若涎多而喘者宜十縉湯雜病

橘皮半夏湯雜病若不得卧卧即喘者此由水氣逆行上乘於肺肺得水則浮而開使氣不得通流其脈沉大宜神祕

湯雜病肺之積名曰息責在右脇下大如杯令人灑淅寒熱喘咳發癰疽宜棗膏丸本條若上氣喘者用神授湯上

盛下弱而喘促者宜用蘇子降氣湯雜病吞黑錫丹雜病尊年之人素來稟賦太厚不任熱藥者不可輕投丹劑及

諸熱藥但以祕傳降氣湯分心氣飲俱雜病論之梗槩不出於此矣惟素有腳氣而喘者當作腳氣治之又有骨蒸勞

喘自有專門不敢濫及薛東垣云肺金受邪由脾胃虛弱不能生肺乃所生受病故咳嗽氣短氣上皮毛不能

禦寒精神少而渴情慘不樂皆陽氣不足陰氣有餘也治法若肺氣虛弱用四君子雜病加枳殼半夏脾虛不能生

肺補中益氣湯雜病七情氣結四七湯雜病脾經鬱結歸脾湯雜病健忘脾氣虛弱人參補肺散肺經火盛人參平肺散

腎水敗濁六味地黃丸雜病真陽虛損八味丸虛勞或兼小便不利為害尤速非二九不能救一婦人傷風寒作喘或用表散愈而復患仍用前藥其證益甚飲食少思胸腹不利此因脾肺氣虛也予先用六君子湯加桔梗漸愈又用補中益氣湯而痊一婦人患前證屬命門火虛不能生脾土用補中益氣湯八味地黃丸而痊後復患其喘益

甚用前藥不應遂用黑錫丹二服喘止仍用前一藥而諸證痊凡屬邪氣有餘者其證易識治效亦速其屬元氣不足者變證不一效非可以旦夕期也

杏子散 治諸臟相乘喘急

杏仁去皮尖雙仁微炒黃細研如膏 右和勻煎橘皮湯調下二錢無時

橘皮半夏湯和 治肺胃虛弱好食酸冷寒痰停積嘔逆惡心涎唾稠黏或積吐粥藥不下手足逆冷目眩身重又

治傷寒時氣欲吐不吐欲嘔不嘔昏憤悶亂或飲酒過多中寒停飲喉中涎聲乾噦不止

陳皮去白 半夏製各七兩 右剉為粗散每服三錢生薑三片水二盞煎至一中盞去滓溫服不計時啗兩服滓

併一服再煎服

棗膏丸 治息責在右脇下大如杯令人灑淅寒熱喘咳

甜葶藶炒研 陳皮 苦梗各等分 右為末煮棗肉丸桐子大每服數丸白湯下許學士云余常停飲水

積食已必噎漸喘覺肺系急服此良驗

神授湯 治上氣喘急不得卧

橘紅 苦梗 紫蘇 人參各一錢 五味子料炒三分 右薑水煎服

治婦人喘促虛腫快利小便即瘥

用生薑二兩取汁白麵三兩以薑汁搜作小劑大半夏十個打研入麵中作餅炙熟作黃色為末溫熱水調下一

一錢以小便通利為度

天門冬丸楊氏家傳 治婦人喘手足煩熱骨蒸癰汗口乾引飲面浮腫

天門冬十兩去心 麥門冬去心 生地黃三斤取汁熬膏 右二味為末入地黃膏和丸如梧桐子大每服五十九道

遙散中去甘草加人參煎湯送下或服王氏博濟方中人參荊芥散亦可如面腫不已經曰面腫曰風故宜升麻黃桂枝可發其汗後服柴胡飲子去大黃故論曰治臟者治其俞治腑者治其合浮腫治其經治俞者治其土也治合者亦治其土也如兵家圍魏救趙之法也

人參補肺湯 治肺癰腎水不足虛火上炎咳嗽膿血發熱作渴小便不調

人參

黃耆炒

白朮

茯苓

陳皮

當歸各一錢

山茱萸去核

山藥各二錢

五味子杵

麥門冬去心

甘草炙各七錢

熟地黃自製一錢五分

牡丹皮一錢

右薑水煎服

人參平肺散 治心火剋肺金患肺痿咳嗽喘嘔痰涎壅盛胸膈痞滿咽膈不利

人參

青皮

茯苓

天門冬

陳皮

地骨皮各一錢

甘草炙五錢

知母七分

五味子十粒杵

桑白皮炒一錢

右薑水煎服

嘔吐

〔大〕夫婦人嘔吐者由脾胃有邪冷穀氣不理所為也胃為水穀之海其氣不調而有風冷乘之冷搏於胃胃氣逆則令嘔吐也 夫嘔吐之疾非特脾胃虛冷而嘔吐也亦有胃熱而嘔者亦有胃中冷胃口熱而吐者亦有痰盛而嘔者亦有血弱而嘔者經云無陰則嘔是也不可以一藥用藥如胃冷而嘔吐宜用局方人參丁香散理中丸及許仁則

半夏丸人參七味丸胃熱而嘔吐者宜用小柴胡湯蘆根湯竹茹湯槐花散胃中冷胃口熱而嘔吐者宜用局方霍香止氣散生薑棗子煎沉冷服即止痰盛嘔吐者宜局方半夏湯茯苓湯一陳湯惡阻兼用茯苓丸自有專門血不歸

源而嘔吐者用十全大補雜病虛勞加陳皮半夏霍香薑棗煎服或有腳氣而嘔者自有專門不濫及

〔詳〕東垣先生云

前證內有故寒與新穀俱入於胃新故真邪相攻氣併相迎復出於胃故為噦補手太陰瀉足少陰又云胃因氣逆為噦夫嘔吐噦者俱屬於胃以其氣血多少為異耳如嘔者陽明也陽明多血多氣故有聲有物血氣俱病也仲景云嘔多

雖有陽明證慎不可下孫真人云嘔家多服生薑為嘔家之聖藥也氣逆者必散之故以生薑為主吐者太陽也太陽多血少氣故有物無聲為血病也有食入則吐以橘皮去白主之噦者少陽也多氣少血故有聲無物乃氣病也以薑製半夏為主若脾胃虛弱寒邪所客飲食所傷者用六君丁香藿香生薑之類若胃中有熱膈上有痰用二陳山梔黃連生薑若久病胃虛嘔而不納穀者用生薑參朮黃耆香附之類亦有痰膈中焦食不得下者有氣逆而嘔者行氣鬱於胃口者有食滯於心肺之分而復出者有胃口有大與痰而嘔者若注船大吐渴飲水者即死童便飲之最妙前論云血不歸源而嘔用十全大補湯誠發前人之未發愚常用屢效

此論與王安道所論少異宜參看之

後聞外言忤意嘔吐酸水內熱作渴惟飲冷水氣口脈大而無倫面色青赤此肝脾鬱火投之以藥入口即吐第三日吐宿食第七日吐酸水十黃一日吐苦水脈亦洪大仍喜飲冷以黃連煎湯冷飲少許至二十日加白朮茯苓二十五日加陳皮三十七日加當歸炙草至六十日始進米飲半盞漸進薄粥調理得痊府庠沈姬文母患脾虛中滿痰嗽發熱又食溼麵冷茶吞酸嘔吐絕食誤服苓連青皮等藥益加寒熱口乾流涎不收聞食則嘔數日矣迎余曰脾主涎此脾虛不能約制也欲用人參安胃散惑於眾論以為胃經實太宿食治之余治之病日增劇忽思冬瓜食如指甲一塊頓發嘔吐酸水不止仍服前藥愈劇復邀視之則神脫脈絕已瀕死矣惟目睛尚動余曰此寒淫於內治以辛熱然藥不能下矣急用鹽艾附子炒熱熨臍腹以散寒回陽又以口氣補接母口之氣又以附子作餅熱貼臍間時許神氣少甦以參朮附子為末仍以是藥加陳皮煎膏為丸如粟米大入五七粒于口隨津液嚥下即不嘔二日後加至十粒諸病少退甘涎不止五日後服煎劑一二匙胃氣少復乃思粥飲後投以參朮等藥溫補脾胃五十餘劑而愈

孫一婦人三十五歲無子恐夫娶妾遂致鬱經不行者三月矣病腹痛惡心諸醫皆云有孕其夫亦粗知醫舉家欣喜治以安胎行氣止痛之藥服三十五貼不效痛苦益甚凡未申時發寒熱腹中有塊如彈子大者二三十枚翻騰作痛行動則水聲漉漉痛極則吐酸水五六碗吐盡則塊息而寒熱除痛亦不作明日又然又

作瘡治轉劇召予診之左手弦尺瀋右手濡弱重取則滑尺同左時經已五月不行矣予曰此鬱病也豈有瀋脈成孕之理若然則前藥當效矣其夫亦悟乃為製方以二陳加香附山梔撫芎元胡當歸紅花之類藥進而痛止連與四貼皆效但藥止則痛發如故調治一月不能除根予因持脈案見先師黃古譚先生先生乃諭予曰此鬱火病也其病起於肝膽蓋肝主謀慮膽主決斷謀不決則鬱生鬱生則木盛木盛則凌脾脾傷則不能運化精微而生氣血以故月水不來也肺金失於母養則降殺之令不行木寡於畏而侮所不勝是以直衝犯清道以作吐也吐後諸證皆減者木升而火息也為裁一方以黃耆五錢柴胡三錢白芍藥二錢甘草一錢陳皮貝母枳實各五分薑三片一劑而寒熱除再劑而痛減吐止水聲亦絕七日不發其夫喜曰是何神速也乃拉予復請命于先生先生曰夫寒熱者少陽膽也吐酸者厥陰肝也痛而腹塊翻騰者火盛激動其水如鍋中湯滾泡浪沸騰是也吐多則肺金愈傷故用黃耆補肺金為君使得以制肝木以柴胡瀉肝為臣以升發其膽火經曰木鬱則達之達是通達之義夫木性上升者也既鬱則不升故用柴胡升發膽肝之清氣使衝開其鬱結以復其常又曰過者折之以其畏也所謂瀉之補肺制肝正謂此也又曰泄其肝者緩其中以甘草緩中為佐又曰木位之主其瀉以酸以白芍藥于脾中瀉木為臣病久生鬱鬱久則生涎以貝母陳皮枳實開鬱逐涎為婢使然後金得其正木得其平土得其安由是病去而愈速前方用山梔黃連之類皆降下之藥火勢正熾豈區區寒涼所能抑哉故經曰輕者正治重則從其性而升之但凡治病要識得此意

益智子散 治婦人脾胃久虛氣弱多欲嘔吐食全不下四肢無力

益智 一兩 附子 炮 縮砂仁 丁香 厚朴 黃耆 白朮 白茯苓

陳皮 川芎 良薑 藿香葉 當歸 各七錢半 人參 桂心 各半 右咬咀每服三錢

薑三片棗一枚水一盞煎至七分去滓無時溫服

丁香散 治婦人臟腑虛冷脾胃氣弱食則嘔吐水穀不消

丁香 白朮 縮砂仁 草果仁 橘皮各七錢半 當歸 白豆蔻 藿香葉

神麴 訶子皮 甘草各半兩 人參一兩 右為細末每服二三錢煎薑棗湯調下

竹茹湯 治胃熱嘔吐

乾葛三兩 半夏湯洗七次薑汁半盞漿水一升煮耗一半取七錢半 甘草七錢半 右咬咀每服五分水二盞薑三片竹茹雞彈

大棗子一枚煎至一盞去滓溫服 許學士云胃熱者手足心熱政和中一宗人病傷寒得汗身涼數日後忽嘔

吐藥與飲食俱不下醫者皆用丁香藿香滑石等藥下咽即吐予曰此正汗後飲熱留於胃晚用孫兆竹茹湯正

相當爾亟治藥與之即時愈

良方槐花散

皂莢 白礬 槐花炒令黃黑色 甘草各等分 右為細末白湯調下二錢

許仁則半夏丸 療積冷在胃嘔逆不下食方

半夏一升真熊州者洗去滑 小麥麵一升 右搗半夏為散水搜麵丸如彈子大以水煮令麵熟則是藥成初吞四五

丸日二服稍加至十四五丸旋旋服此覺病減欲更合服亦佳忌羊肉錫

又依前半夏丸雖覺漸損然病根不除欲多合前丸又慮藥毒不可久服欲不服又恐病滋蔓宜合人參七味丸服

之

人參七味丸

人參 白朮各五兩 厚朴炙 細辛各四兩 生薑八兩 橘皮三兩 桂心二兩 右為細末煉蜜丸

如梧桐子大飲下十九漸加至二十九與半夏丸間服亦可忌桃李雀肉生葱生菜



補遺治男子婦人一切嘔吐五苓散內除桂加半夏末如桂分兩每服一錢以生薑自然汁調搜和如麵候半時久

再以白沸湯一小盞調開溫服

五苓散方見傷寒準繩渴門

青金丹 治一切嘔吐不已

硫黃二錢 水銀一錢

入銚內慢火熬化以木篋子撥炒成砂再入乳鉢研黑不見星以薑汁糊丸如菜豈

大每服二三十九米飲下

人參安胃散 治脾胃虛熱嘔吐泄瀉或飲食不入

人參一錢

黃耆錢炒二

生甘草

炙甘草錢五

白芍藥七分

白茯苓四分

陳皮三分

黃連炒二

右水煎服

霍亂

〔大〕嘔吐而利者名霍亂也原疾之由皆因腸胃虛冷飲食過度觸冒風寒使陰陽不和清濁相干致令揮霍變亂也或先心痛而吐者或先腹痛而利者或吐利俱作者或頭痛身熱體壯熱而脈浮洪者或陽氣暴絕而手足逆冷而脈息微絕者治之當分陰陽察其虛實辨其冷熱觀其脈息熱者涼之冷者溫之以平為期百問云凡霍亂吐利熱多而渴者五苓散寒多不飲水者理中丸吐利已汗出而厥四肢拘急不解脈微欲絕者通脈四逆加豬膽汁湯夏月間中暑霍亂大煩渴四肢逆冷汗出脚轉筋者霍香散濃煎沉冷服即效凡霍亂之脈得浮洪者易治微遲者并短氣者難治〔薛〕賈元良先生云暑者相火行令也夏月人感之自口齒而入傷心胞絡之經其證頭痛口乾面垢自汗倦怠少氣或背寒惡熱甚者迷悶不省或霍亂吐利嘔度腹痛或下血發黃生癰等證治法清心火利小便為主若自汗熱甚用白虎湯若頭痛惡熱用十味香薷散泄瀉煩渴飲水吐熱用五苓散熱甚煩渴用益元散清之若表解裏熱甚者用黃連解毒湯脈微下利作渴喜溫或厥冷不省人事宜竹葉石膏湯加熟附半枚冷飲次以來復丹五苓散治之故東

垣云脾胃虛弱遇夏月淫雨身重短氣甚則四肢痿軟脚欬眼黑當滋肺氣以補水之源是以五月常服五味子人參麥門冬之劑為熱傷元氣故爾丹溪所謂夏月伏陰在內也蓋人之腹屬地已月六陽盡出於地之上矣是人之陽氣亦浮於肌表散於皮毛而腹中之陽虛矣又加以涼臺水館大扇風車寒泉水果冰涼之物自內及外不用溫熱病所由生陳無擇云凡中暈切不得用冷藥惟用溫餐得冷即死道途無湯即以熱土熨臍中溺以熱尿即甦藥可見矣內經曰脈虛身熱得之傷暑難經曰傷暑得之為正邪火自病也當惡其病身熱而煩心痛其脈浮大而散傷寒論曰太陽中暈者身熱頭痛而脈微弱或發熱惡寒而脈弦細孔遲大抵寒傷形熱傷氣益傷氣而不傷形則氣消而脈虛弱故先哲立法夏月宜補良有以也前證若內有所積外有所感用二陳湯加減治之或蘿蔔子搗碎服而吐之若飲米湯即死云云同前論若轉筋不住男子以手挽陰女子以手牽乳近兩邊此千金妙法也乾霍亂不得升降死在須臾當以鹽湯吐之後以一陳湯加川芎蒼朮防風白芷薑煎服若登圓而不通加枳殼若食瓜果飲冷乘風霍亂用六和湯倍加藿香大凡中暑而亡者皆因元氣虛弱暑熱乘之以致泄瀉陽氣暴脫實為陰寒之證宜急補其陽庶得保 緩則不救其他執為暑熱投以寒藥鮮不誤事愚故以回陽固本之方繼之於後

加減理中丸

主霍亂臨時方亦可治男子

人參

白朮

乾薑

甘草

各一兩

右為細末煉蜜為丸每兩作五丸取湯和一丸服之日三

服 吐多利少者取枳實三枚炙去瓢四破水三升煮取一升和一丸服之吐少利多者加乾薑一塊 吐利乾

嘔者取半夏半兩泡洗去滑水二升煮取一升和一丸服 若體疼痛不可堪者取棗三枚水二升煮一升和一

丸服 吐利太極轉筋者以韭汁洗腹腎從胸至足踝勿逆即止 若體冷微汗腹中寒取附子一枚炮去皮四

破以水二升煮取一升和一丸服 吐利悉止脈不出體猶冷者可服諸湯補之

四順湯

治霍亂吐利腹痛手足逆冷脈微欲絕